

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第一二九號

據 清·張紹棠修，蕭穆纂
光緒三十年刊本

影印

江蘇省


續纂句容縣志

(三)

4819
129 (3)

5/07/12

成文出版社有限公司印行



891



中國方志叢書·華中地方·第一二九號

據

清·張紹棠修，蕭穆纂
光緒三十年刊本


影印

江蘇省

續纂句容縣志

(四)

成文出版社有限公司印行



10096425

中國方志叢書·華中地方·第一二九號

據

清·張紹棠修，蕭穆纂
光緒三十年刊本

影印

江蘇省

續纂句容縣志

(五)

成文出版社有限公司印行



10096426

docsriver 文川网
入驻商家 古籍书城

在文川网搜索古籍书城 获取更多电子书

續纂句容縣志卷十

邑人張餘堂分纂

人物 義行

吾句容山水阻深民生其閒多崇尚古誼故前明賑粟有多
 至二千石者迄今驅車而過邨落於碎瓦頽垣中猶見曩時
 旌額豈不以閩澤所流難於磨滅耶 國朝乾嘉之際民物
 康阜閭里之士以義自遂者更僕難數北山開賑謳思弗忘
 其尤表表者也 駱廷瑛 咸豐中兩遭兵火隨在醵金助餉投袂
 從戎 其功高死事者別見武功忠義 餘孽既除財殫力竭然卅餘年來地方
 善舉次第規復民氣之醅不與時為變遷東京風俗於斯再
 見於虐美已茲條舉其事實著於篇至若事有相類牽連得
 書則明史之遺意也續義行志而義舉附之

駱廷瑛字次由號慎庵附貢生議敘知州父豹文康熙壬子武

人物 義行

舉廷瑛豐於資見義勇爲乾隆戊午邑大饑奉縣諭設粥廠祝廟閱三月止是歲免佃戶租穀千二百二十石越辛酉復饑廷瑛自出資賑濟兩月前後活人無算丁巳舖頭橋圯於水獨建之置義田百二十六畝以贍族之貧者他如建龍虎橋修文昌閣戊辰辛未偏災平糶樂輸壬申捐上元縣學田五十七畝皆能獨見其大子二雲摩太學生永泰大理寺寺丞雲摩子應隆行人司司正應隆子球琳琛琳皆諸生並以樂善世其家華德元字素庵讀書尙義以古人自期七歲出就外傳聰慧過人父母極鍾愛之初受業於孔廟堂年十七應院試學使者蒲坂崔公得其文歎爲奇才首拔之自是每試輒冠其曹時魏孝廉健庵教授棲霞山中父復令往從遊德元賦秉兼人更經名宿指授學益進顧豐於才而屈於遇鄉闈屢薦不售竟以明經

終中年授經里門學者翕然宗之德元盡心啟迪多所成就家
本寒素然見義勇爲脩脯所入率耗於施與先是仁和陸公宰
旬容有政聲以兌糧見逼上官縊於龍潭倉舍無子有一弟不
能自存依茅山道士以居德元邀同人爲分宅取婦且時時經
紀其家未幾生子循吏得延一線越十年邑侯恆山楊公尤廉
潔愛民視事僅八十日以謁上台病歿吳門宦囊如洗德元復
斂金歸其喪時論高之

朱端祖字我範邑庠生幼勤誦讀其王父懼其過勞也笑謂曰
專一業皆可成名何必盡在章句因棄舉業悉心家事課耕促
織平生信果無所欺晚年舉鄉飲賓春秋祠祭不以老耄不前
邑北有石山距所居三里許環山峭壁旁有巨石矗起嵌空蟠
亘大可數十抱趾下小僅如拳千年危峙不仆居民奇之閒有

以事禱者輒應遠近相聞土人醵金建廟羣議必欲端祖主其事卒擘畫經營廟祀屹立時端祖年八十有三尚為鄉邦倚重如此

朱方杜字洪齋嗣父第來為全椒學博方杜隨署讀書銳意攻苦弱冠補諸生性嚴毅自奉甚約然遇所識窮乏必勉周之所居界丹徒句容兩地疑事多踵門就決方杜一一排解秉以至公無私之心劑以愷悌和柔之氣人人飽意去邑吏多侵牟而漕弊特甚畏方杜威皆帖然歲饑籌辦賑務無漏澤無侵漁邑人稱允始朱氏之先士章字竹山捐義田於顏庵獻醕字鶴湄勒禁石於園墓覬覬眾矣方杜首籲當事懲其罪俾義祭不至湮沒祖墓無敢侵犯竊發者私比之一木撐天云

裴于東字韻和號養拙于宣弟也

宣見先正

內和外剛遇事能斷性

尤慷慨縣學修尊經閣捐資董役不辭勞瘁乾隆乙未歲祲借族朋饑泊乙巳大歉仍出重資勸募徧瞻村黨執友朱慧昌死臺灣之難慰贈其二子甚厚有姊適倪數月而寡迎歸養之伯兄芾棠屬纊時接脣布氣冀得復生雖已邁病不恤也子暢以諸生援例爲同知暢從兄珏字雋駢性孝友兄球早歿珏撫姪鈴暨鑑另有傳如己生迨鈴受室珏哭告兄靈曰鈴受室鑑入學則又哭告曰鑑入學居恆尤好施與著有醫粹二卷玠字景福號祉亭生三月而孤母周撫之成立及省試聞母病急歸次日而母卒自是不復應試嘉慶十九年大祲與從子鑑於天王寺倡議捐輸就局董其事復謀於族中釀資部署給米賑飢鄰近數十村無餓殍族女爲許氏養媳姑遇之虐玠收養於家及筭備匱送歸母舅周聿修暮年貧窘玠惻然曰舅母黨也困至此

母心傷矣迎養終其身又與族人續修家乘十月而告成工篆書好古器喜交賓客築醉墨樓以爲讌會之所年六十有八卒子鏞字聚堂鏞從弟錡鉞皆諸生有文名

張祖善字姓湖高祖士騫曾祖檀均見前志祖凱父嶸皆諸生祖善

性端重盛暑不袒裼乾隆壬子副貢年四十事親如兒時道光元年有司將以孝廉方正舉力辭不就晚年境愈困歲歉恆以瓜代飯澹然安之卒無子以從子澍堂嗣祖善從弟春元一名天錢字紹彭嶸弟坤一之子也性和易篤厚舉嘉慶甲子武鄉試凡遇救荒捐賑修治橋道事必身爲倡之天錢從弟天銘字敬修幼穎異家素貧乾隆五十年大荒事撫無缺有餘以濟親族人咸稱之子雋堂字璞巖歲貢生澍堂字雨春歲貢生平生謙謹屏外事絕校計雋堂子士衡諸生定樾國子生殉咸豐十

年之難

孔允盛字天生爲人胸無城府慈惠好施親族告貸者無不各遂其欲以去坐是窮困弗悔也子興貴有父風族弟允肅字舉臣家素封而孜孜好善邑令宋楚望舉鄉飲賓贈額曰仁德兼優子五人各授以藝其季興吾字開基廩膳生弱冠卽有文譽性嚴毅言笑不苟以數奇屢困棘闈時論惜之允魁字益字慷慨慕義於西關外倡建關帝廟六楹並捐田若干畝以奉香火廟燬於兵燹興善字餘慶操行端潔里黨有爭競剖析明允遠近無不敬憚又興仁字全性興壽字鶴年興茂字永隆並以敦行著聞

孔興祐字雲初號厚堂幼岐嶷羣兒或聚戲興祐獨端坐不動父老奇之比長事親孝處昆季雍睦無閒言性慷慨鄉黨有貧

系集卷之三十一
乏者周卹不惜貲財子毓愷字爾才渾厚質樸亦以孝聞愷子
傳榮字耕雲邑諸生性鯁直不爲利誘光緒壬午孔氏彙纂家
乘偕族人廣浩廣餘往方山一帶諮訪源流不惜勞瘁宗人興
岫字啟鳳篤實恭儉當時目爲盛德君子岫弟興蚪字啟麟諸
生興仁字聖卿周濟窮乏如恐不及興家篤於風義戚鄰緩急
咸倚賴之興魯字景參寬仁敦厚又毓彩毓斌傳儒繼銘皆好
施與

孔興禮字天秩邑諸生爲人孝友寬仁動必以正痛二親蚤逝
未能侍養每一念及輒涔涔淚下邑西鄉張姓已聘而貧不能
娶婦家將議婚別姓興禮廉得其情助以資俾娶婦歸後其人
子女成行家亦漸裕乃以菱芰芋苗等物鳴忱相率羅拜於前
曰非公玉成無以至此興禮笑納之嘗言一介之士存心利物

於世必有所濟古人之言豈欺我哉故無論親疏遠近凡有求者必思勉慰其情而後卽安里人頌盛德焉子毓璋字鍾蘭號奉峩性至孝每晨必趨侍母陶側問所需而敬進之旣補諸生館從兄毓文家四年得家書以子好嬉戲辭歸教之乾隆五十年大饑石米五千緡毓璋鬻產贍及族屬數家無凍餒嘗以片語脫人於危終身無德色平生酷嗜蘭蕙手植數十本芬芳滿室朝夕玩弄吳中士大夫喜畜蟋蟀毓璋亦顧而樂之曰余老諸生也睹此覺少年臨文之概猶勃勃從指聞出想見晚年之逸興矣子傳薪月有傳

尙永瑗字景遵諸生每歲暮出資濟親族不使人知乾隆二十一年大荒襄辦賑務數十村無流殍永瑗從父昌遴字枚臣諸生生子永瑞五月而卒永瑞字天錫少孤母周苦節撫之年十

一補縣學生性倜儻鄉里曲直一言而決著有寄園集糾巖集
又同族宏轍字文遠親老不忍出遊嘗於道拾遺金還之兄早
卒擇已歿之賢者嗣之昌祚字介繁喜施與嘗重修宗祠永瑗
姪祚滋字樹旃乾隆五十年大荒祚滋曰今茲無禾來春可無
麥乎於是貸鄉人以麥種復倡義賑自食糜粥而以貲財分給
飢者瑗子祚凍字若水生平無玷行著有青珩集歷溪瑣語西
村晚霞集祚凍諸弟祚臻字也耘性豪邁交無貴賤遇困者必
援之善丹青嘉慶中屢入總河幕祚圯字履之爲寶應汪氏司
會計汪以業敗而逃祚圯爲支持獲數萬緡悉歸之汪氏又祚
奎亦以忠誠名祚滋子徵儼字望之諸生有才名總督麟書入
覲令偕其子入茅山讀書比反則儼已死爲之惋然厚恤其家
著有讀史劄記祚奎孫世馨諸生才氣瀟灑出羣書畫琴奕皆

通其旨

王成才字永康事母以孝聞族人漢卿貧死妻將攜子他適成才治屋使居且贍養之卒全其節某年客遊漢江聞鄰舟呼號甚慘才令舟人疾往援救有獲免者出金贈之使歸嘗捐資修建萬壽橋行旅感誦趙永正字乾初好施予捐金獨建蘆亭村大橋亦以孝聞華廷彩字雲衢邑諸生乾隆乙巳秋邑大饑鬻產典衣以卹宗族丙午春大疫施藥餌捨棺殯殮家以日貧弗悔也劉錦字西彩孝友好施乾隆乙未乙巳邑皆大荒錦捐資卹本族有窮民來告者雖鬻田必應之

陳槿字光甫鄰有張姓欠賦不勝追比將鬻妻以償槿爲代償之乾隆辛丑捐金二百修綠楊橋乙巳歲槿槿出家資濟族之貧乏者復捐金二百設廠賑粥戊申又荒槿又捐金四百散給

窮民朱葆川字銘西邑有新昌橋爲上元溧水兩邑通衢又爲
白米圩及百丈圩數萬畝之保障乾隆癸未橋圯葆川捐金倡
議修建之趙有光字允裕乙巳之饑設粥於家以待餓人越半
載乃止丁未王門橋圯有光獨力建之所費不貲篋彝篋琦乙
未歲饑彝捐貲賑濟乙亥戊子又饑琦頻捐賑鄉里兩義之
趙應惟字宏明兒時舉動卽異父母愛憐過於諸子飲食衣服
厚給之應惟曰諸兄勞苦兒獨坐享不忍由是愈得父母歡應
惟存心慈惠見人之難惻然不安族中被火災者十數家資糧
俱成灰燼又無力措置應惟贈以財俾各得其所年饑里閭中
有負欠官租者應惟出金代償邑西懸纛橋爲省會要衝歲久
傾圯又捐資獨建至今稱便應惟甘澹泊灑灑有出世姿知江
甯府杜公旌其廬曰貞白餘徽子林字仲繁增廣生生而穎慧

父歿甫十歲躡踊呼號寢處不離喪側宗黨咸以爲奇明年兄死母益寡歡讀書之暇卽依戀慈闈慰解誠摯學宮傾頽教諭某欲修葺而艱於費休與同學俞古御共任兩廡又獨修敬一亭歲饑邑侯設廠賑粥人眾官米不敷林開倉捐米以補之遠近皆懷其恩嘗念無產之家雖年豐不免飢餒每屆除夕甲乙其貧乏命諸子計口贈糧歲以爲常

周英字天秀邑業碾者向有驢差之擾英捐資代役請除其弊知縣某許之立碑示禁至今賴之朱奉璋業醫善接骨家小康凡參茸珠珀藥品之珍者極力營致遇患者相其所需不少吝或以金酬之無一受者袁甯鎬字聲遠喜施濟邑多山易旱甯鎬逢歉歲出資賑給陳嘉珽字楚珩喜周濟貧乏善解琴同時有劉翀者邑博雅士也行端正凡邑令下車必延翀講約於虬

docsriver 文川网
入驻商家 古籍书城

在文川网搜索古籍书城 获取更多电子书

山之龍源觀翀每推嘉珽而翀佐之嘉珽好聚銅鏡分年代先後加以辨證編為三帙翀為之序嘉珽子克經有父風戴舜樂嘗捐穀賑饑宋公楚望旌其門羅國安字嘉祿國學生留心地方善舉乾隆庚寅 翠華南巡國安應役有功當事者保舉五品頂戴

周德宣字日三康熙壬辰進士楨裔孫也

楨見前志政治

初句容溧水

溧陽三邑陋例相沿每逢大比供膳錄之役輒派鄉民為批首胥役需索往往傾家即有感憤不平者亦僅付之扼腕德宣甫弱冠時攻舉業適值科場輪充是役遂投筆歎曰大丈夫不能除一方之害安用毛錐作章句儒耶因毀家具陳當事幸觀察王公據情力白於中丞岳公為之勒石永禁而膳錄批首之害遂革三邑父老至今頌之

王康偉字雄萬號雋亭太學生質性純謹事生父母克盡孝與
昆季處怡怡然日友愛無閒言嗣父廷芳早逝家事賴康偉綜
理而持躬樸素嘗訓其後嗣曰節一日珍羞之費爲饘粥可以
濟數十人之飢節一身羅綺之需爲布帛可以禦數十人之寒
故康偉處世大抵廉於己而厚於人族黨匱乏者必加意周恤
之乾隆乙未協族人重修祠宇相度無閒寒暑積勞成疾卒年
七十八子醴泉善承父志爲人蘊藉沖和人多樂與之遊

王康績字亮采邑諸生幼從邑名進士沈貽孫遊講貫極精願
賦性高簡於科第泊如也先是父曉齋有陰德捐金救荒普惠
桑梓康績繼其志值歲饑兩次出資助賑事無巨細一準先人
矩矱悉協乎理之至當與情之至安而後已子埏字殖庭天性
純篤幼補博士弟子讀書敦行外無他嗜好嘉慶甲戌歲大禘

首捐重金借邑紳籌賑濟之方多所全活邑西郊舊有三臺閣建自前明金學使蘭爲興起人文之兆傾圮百餘年矣塏毅然興復四出募捐督成巨舉由是登甲榜入詞館者有人爲數十年來所僅見弟階字步庭亦諸生讀書通大義不屑屑於章句嘗捐資重建華陽書院文風爲之一振

王履升字夷白生而穎異能文工書早入邑庠尋省墓黔中復就試貴筑補博士弟子旋以婚歸里娶繆氏生子一無何母金以先人墳墓在黔留仲兄侍左右促之歸黔履升之再至黔也黔人重其學行多從之遊晚年掌教習安書院以經明行修課士一時郡中以科第顯者多出門下尤喜造就寒士貴筑錢某少孤貧讀書未竟其志履升異之勸理舊業貴筑崇令感其誼亦月給錢米贍其家後錢領鄉薦補授河南偃師縣履升自爲

時藝高古不諧俗以歲貢終著述詳藝文志

王周南字詩正別號修竹由太學生捐職同知母倪氏夢大士撫笄而生有異稟好讀書所居之宅饒水竹乃築室於西偏榜曰修竹樓積書三萬餘卷館宇明潔林木幽邃蕭然其中晨夕披玩手錄書等身旁及青烏日家者言無不洞悉源委工詩有安鈍吟稿中年喪偶卽獨居治家有法子弟雖燕見無惰容吟誦外雅好賓客四方知名士過旬容者多喜與之遊如孫觀察星衍洪編修亮吉皆當代碩儒常主其家往來最密暇時與邑之老儒宿學談道德論文章考究古今之得失後進之士仰如山斗然處鄉黨間謙恭和順了不異人好善樂施慷慨不吝乾隆乙未乙巳大饑捐資賑濟乙卯倡修尊經閣及明倫堂每歲抄陰計貧乏之士厚贈之親族賴以婚喪者不勝指屈王氏舊

有宗祠歲久頽圯周南出資數千金爲改建規模宏整煥然一新又加置市房以永祭享費不下數百金族人至今賴之時比范文正之義莊云

王以樸王以楠王以樞皆名諸生以樸字質可攻書史能文章每試輒冠其曹十赴秋闈不售鬱鬱不得志年四十五卒以楠字覺堂端凝厚重守身如玉尤喜培植人材終日下帷講解問字者戶外屢常滿邑之青衿大半入室弟子也以樞字拱辰性純謹以名節自勵凡邑中利民之舉如調饑荒修橋梁治街道皆與其兄以楠踴躍爲之乾隆乙卯王周南捐修尊經閣以樞與焉痛伯氏能文早逝無志科名日尋天倫之樂卒年八十餘知肥城縣常州丁履恆爲立三先生傳

駱宣猷字青子圖呈之兄

圖呈見前志

少鄙章句不適於用棄儒業

綜理家務斟酌損益井井有條雖家道豐盈而辛勤儉樸如寒
素居心仁恕待親戚宗黨極爲恩惠族戚至立義碑以誌之他
如葺學宮賑荒歲施衣施袴懿行不可枚舉與圖呈稱二難焉
從弟思健字乾初幼孤事母以孝聞性侃直人有過恆面斥之
乾隆壬申大饑思健挺身自於令設法賑濟鄉黨被惠以宗譜
歷久未修深憂之曰子姓繁衍支派日紛不彙輯成冊何以垂
後因令弟聖箴董其役而一切經費皆思健籌備年七十有六
猶強健異常

駱登瀛字洲士號蓮圃父鳴騶康熙丁卯舉人登瀛美風儀弱
冠補邑弟子員試必高等學使者咸以國士目之鄉闈不售乃
援例入貢絕意進取日侍父側講學孜孜不怠父計偕入都必
途至淮上後歿哀毀幾滅性恐益母慟爲強進一溢米治家有

法晨起擗擋諸務午後焚香靜坐繙閱書史燭至呼酒數椀召子姪環侍與言所以保家之道懇懇至夜分不倦先是鳴騶性好施每值歲不稔周恤無餘力丙子秋大水蛟起院署紳士倉皇無策鳴騶毅然出重資募救試士免漂沒者無算登瀛承父志亦豁達汎愛乾隆丁巳大饑首倡賑濟富室從之賴以全活者萬計卒年七十八

駱岱字友三號魯峰祖日俞父殿邦

傳見仕績

三世不分財百口同

爨內外無閒言有義門之風岱以嫡冢主家務尤寬厚常使人受福不知與人交輸寫肝膽休戚同之少勤學所與遊皆知名士每鄉會登科錄出見一故人姓名輒喜動眉宇或跂望不遂則徬徨太息者累日待師禮尤崇起居日用每先意而逆之歲終解館脯資餼廩外別出錢數緡置行囊中師驚辭則曰此孺

子輩惓惓之意固當勿阻其委曲從厚類如此子佐隆字時英
邑武生性孝友恂恂然類於儒者宗人敏字勗庭諸生勤於教
讀嚴寒盛暑無惰容時人以爲難同時授徒有聲者王懋鼇字
海山附貢生好造就孤寒貧而慧者修脯不計有無

駱長庚字曙堂一字星橋附貢生天姿卓犖少與陽湖洪亮吉
及孫星衍友善故學務閎博居鄉孝友慈惠侍父臯亭疾衣不
解帶者數旬後卒哀毀骨立惟歎薄糜與弟潤鈺怡怡白首乾
隆戊午宗祠傾圮暨族弟壽山解囊修葺監工六閱月祠宇煥
然一新乙未及乙巳歲饑偕同輩督理賑務設廠鄉城晝夜不
倦乙卯與王周南裴于東等捐修尊經閣子四菊溪諸生守愚
就職州尉潤鈺字蔗田諸生精堪輿術 文廟左舊有奎文閣
門爲踵修者以私見易神座西向而南潤鈺謂不利科名偕壽

山倡首捐修仍復舊制自是捷南闈登甲榜者有人論者謂有
功於一邑壽山太學生所居古名鹽巷有劉明府廟今呼爲府君巷祀
東晉劉超及前明天順間又祀祀賢令劉義廟久不修棟折椽
崩壽山見之愀然曰凡有功德於民者則祀之是若不修何以
勸後遂竭力募建規模較前宏厥嘉慶丁卯歲被復捐金以恤

災黎

駱錫堂字蘭庭一號芷坪邑諸生爲文稟經酌雅尤工詩賦以
母汪體弱多病遂廢舉業專究心於醫乾隆丙午闔境疫癘大
行求治者踵接錫堂不憚風雨寒暑奔走調劑日無甯晷貧者
必周以藥餌之資並合辟瘟丹以應暮夜之求邑中賴以起死
回生者不可勝計嘉慶甲戌旱且疫東平于稽山來爲邑令耳
其名延入署診治之暇訪以救荒良策錫堂勸其急糶官米以

平市價旋詳請大府蠲賑查賑則逐戶驗名胥吏無侵漁之弊
給賑則以銀易錢飢民免剝削之憂于用其言是歲災重於鄰
邑而民沾實惠子四賜騏化騏以讀書世其家宗人正綸字金
門廩生亦精於醫丙午之疫修合丸散施送族黨中無力婚喪
者多所厚恤少遊金山遇松江人將鬻其子遽贈以金後十年
父子同赴南闈迂道至邑詣謝此一事尤膾炙人口云從兄正
組字方來太學生乾隆乙巳之饑嘗以錢米贈人

曹家惇字信厚號恂庵國學生天資穎異料事如神性長厚大
父元士貸沈某銀五十兩歷二十年家惇忽請償沈固與元士
厚又以其事之久而不復可憶也固卻之家惇曰不可使先人
有逋負名卒償之以麟字仲昭諸生工古文詞以孝友稱晚年
修宗譜有義法乾隆乙巳歲饑捐資助賑宜洽字士和志量豁

達族修宗譜捐金以爲之倡宜渭字士清家素饒以好客中落然遇嫻黨貧乏者猶施與不少吝選字爾謙諸生弱冠卽蜚聲暨序善解紛里有爭不能直相率質成於選出數語剖之無不冰釋

曹以約字理中號吉安邑諸生父家璽以孝友著聞以約氣宇端凝言笑不苟爲文卓有先正典型從遊者日眾束修所入用濟貧乏意豁如也與弟以綸極友愛以綸亦事之惟謹時人目爲二難衣振字九章幼勤問學年四十始補博士弟子十赴鄉闈未售志卒不衰乾隆辛酉科 恩賜副舉人以裕字聖容於桂字芬五皆以諸生精岐黃術多隱德忠字蘊臣與諸弟分析自擇其薄者及弟卒扶翼弟婦俾全名節撫孤姪如已出子政簡字敬先性溫厚族中建議修祠政簡慷慨助資並捐田四十

三畝爲祭祀之用其他如濟急扶危及邑中諸善舉無不樂輸恐後政寬字維五踐履篤實生平喜周人急而口不言惠

曹施喬字名修號松巖國學生幼孤貧長忽自奮挾計然術賈於吳中不數年致產千金性慷慨樂施爲族中設立義塾造就孤寒甚眾族姪政治字允安天資聰慧年十二應童子試輒冠其曹會丁父艱家務繁冗易儒而賈曹氏著跡大村城內向無祠宇政治倡捐五百金特建一祠用妥先靈於通字永達天資英發見祖業蕩然毅然有振起之志尋以居積致富益務寬大有王客倉猝誤兌百金已遠去同事欲掩取之通不許明年客至如數算還邑鍾姓者已聘因貧不能娶於通助以資並買舟送之歸里其樂成人美類如此

曹以泰字象昇性沈潛嘗云動不如靜行不如藏三辭鄉飲賓

docsriver 文川网
入驻商家 古籍书城

在文川网搜索古籍书城 获取更多电子书

不應宜祚字文祉邑廩生美儀容長身玉立父歿遺荒產數十畝宜祚獨輸國課不累諸弟事繼母以孝聞宜駁字明舉家環字珩如乾隆間邑侯林光照重其品諭董育嬰堂事籌辦周至手訂章程後人踵行之施錦字日章諸生砥礪廉隅一鄉推服於德字福田太學生慷慨好施家璜字姜玉歲貢生敦品勵學之辛字重煥府學生家貧課徒某村其地育女者多溺死之辛撰韻文勸誡貧者並助金使留養之其風稍稍革辭館日父老醵金餞之有泣下者

曹於道字立修生七歲失怙越十年喪伯兄一門重任惟於道肩之事母氏能委曲承順性嚴重里中有不肖事相戒勿令於道知其爲人敬畏如此子庶藩字應蒼國學生少脫略不事生產家日落庶藩衣敝履穿走城市中傲睨自若有相者熟視其

貌謂某年當富且歷數其發跡狀庶藩以其戲已也去弗顧相者笑曰君毋然他日當思吾言後來果一一驗庶藩既富首捐金創修宗祠鳩工庀材親董其役宏壯爲一邑冠自維起於寒微體卹貧乏靡弗周至子步洲邑庠生孫承源字鏡潭性寬和不解機巧待族黨有恩兄子某因兵燹流落蘇郡使人尋歸給錢百千爲完娶愛之不異諸子及兄子懋遷崑山有起色或諷承源往就之承源曰家庭間豈有市交乎昔日之事吾以慰伯兄於丸泉也卒不介懷羣服其量

張文進字與三邑諸生唐孝子常消裔也會祖光谷父伊莪皆

以孝友稱

並見前志

文進生有至性母病目不交睫者數月洗濯皆

身任之嘗爲其祖母建節孝坊又捐金修儒學忠孝祠先世某公墓沒於樊姓文進詣官清理重立墓碣賴以不泯同族德超